



JOSTEDALSMBREEN PÅ LANGS

Ein skitur på Jostedalsbreen kan by på store og fantastiske variasjonar. På éin og same tur kan du møte varmande vår og full vinter, sludd på tvers og steikande sol, grauttåke med 10 meter sikt og flott utsikt til kvasse tindar og vide vidder.

Josten på langs er ein tung og lang tur i bratt vestlandsterreng og med ei oppakning på 17-20 kg.

Dag	Program
Kveld	Frammøte. Kurslokalet Bretun i Jostedalen kl. 21:00 Fordeling og tilpassing av utstyr og utfyllande info om turen.
1. dag	Frå Bretun i Krundalen med bil til Bjørnstegane nord i Jostedalen. Derfrå på ski i retning mot Fåbergstølen, vidare inn til Fåbergstølsbreen og opp fjellsida i nord langs denne til breplatået. Vidare innover storbreen til skjeret på høgde 1872 ved Brenibba. Teltleir. Ev. kveldstur til Brenibba (2018) for dei som vil.
2. dag	Frå teltleiren til Kjenndalskruna (1830), med flott utsyn til Lovatnet og Ramnefjell og vidare til Høgste Breakulen (1957). Derifrå forbi Kvitekoll til Ramnane (1844) og vidare til litt forbi Bings gryte for ny teltleir.
3. dag	Frå Bings gryte til foten av Supphellenipa (1731). Ev. avstikkar til toppen. Deretter ned Supphellebreen og Flatbreen til Flatbrehytta med fin utsikt over Fjærlandsfjorden. Vidare frå hytta bratt (på ski eller til fots) ned til Øygard i Fjærland og derifrå vidare med buss til Sogndal og Jostedalen.

Med atterhald om ver- og føretilhøve og deltakarane sine føresetnader vil ein prøve å gjennomføre dette dagsprogrammet på Josten på langs-turen.

NB! Deltakarane må møte i god fysisk form og ha fjellski-erfaring.



INFO - JOSTEN PÅ LANGS

- NÅR** Turen varer tre dagar med frammøte kvelden før.
- KVAR** Oppmøte på Bretun i Jostedal kvelden før turstart, kl. 21.00. **Sjå vedlagt kart. Koordinatar: 61.63474 breddegrad og 7.22118 lengdegrad.**
- BUSSRUTER** For detaljert info om bussruter til Jostedal, sjå: www.ruteinfo.net www.nor-way.no eller www.sognefjord.no
- REISERUTE-INFO** Info om reiseruta med bil finn du på: <http://www.bfl.no/vegar-hit.html>
- OVERNATTING** Fyrste natta på Bretun (inkl. i prisen). Dei andre overnattingane i telt.
- KART** Jostedalsbreen (nord og sør) i målestokk 1:50 000.
Dette turkartet kan kjøpast hjå Statens Kartverk eller i bokhandel.
- KLEDE** Ullundertøy langt + skift, ullsokkar tynne/tjukke + reserve, ullgensar ev. fiberjakke, skaljakke (vind og vasstett) m/hette, bukse (vind og vasstett), varm lue + reserve, ullvottar, vindvottar + reserve og ev. gamasjar. **Sjå info klede.**
- FOTTØY** Varme fjellskisko/telemarkstøvlar. Innesko.
- ANNA UTSTYR** Toalettsaker. Solbriller. Solkrem. Slalåm-/snøbriller, ryggsekk, telt (vindstabil), sovepose, liggeunderlag, termos, drikkeflaske (stor), snøspade, fyrstehjelpsutstyr, kart, litt skismurning og **skifellar**, litt reparasjonsutstyr + tape, kniv, solide fjellski m/stålkantar, kokeapparat, brensel, kjele, skei og matkopp.
- BRENSEL** **GASS:** 1 boks (450 g) for 3 dagar.
BENSIN: Ca. 2 dl. per dag/person.
PARAFIN: Ca. 3 dl. per dag/person.
- MAT** Frukost, niste, middag for min. 2 dagar + reserveproviant og mat for oppmøtekvelden.
- BREUTSTYR** Jostedalens Breførarlag held naudsynt sikringsutstyr som tau, sele, snøanker etc.
- UTSTYRSLEIGE** Eit par telt og kokarar til utleige: Telt kr. 75.- pr. dag. Kokar kr. 25.- pr. dag. Ver venleg å gje melding på førehand om du treng å leige fellesutstyr (telt/kokeutstyr).

Ev. forsikring er deltakaren sitt eige ansvar. Me tilrår å teikne ei reiseforsikring som dekkar kostnadene dersom du må avlyse turen på grunn av skade/sjukdom.

VEL MØTT TIL SKITUREN JOSTEN PÅ LANGS!



JOSTEDALEN BREFØRARLAG AS
www.bfl.no



GENERELLE VILKÅR

PÅMELDING: Påmeldingsfrist for kurs, skiturar, eigenførar- og gruppebestillingar er tre veker før tur-/kursstart. Ved ev. påmelding etter at fristen har gått ut, ring og høyr om det framleis er ledige plassar. Påmeldinga er bindande for Jostedalens Breførarlag AS (BFL) når heile tur-/kursavgifta er motteken. Deltakarane får tilsendt detaljert tur-/kursprogram med utstyrsliste når bindande påmelding er motteken.

TINGING FOR GRUPPER/EIGENFØRAR: Etter påmeldinga sender me ei stadfesting som må signerast og returnerast til avtalt tid. Den oppførde prisen og det avtalte depositum i stadfestinga er bindande.

PRISUTREKNING: Prisane blir utrekna i høve til tilbodets form og er bindande. Dersom t.d. statlege avgifter eller transportkostnader for båten på Nigardsbrevatnet aukar, vil prisen bli automatisk justert.

AVBESTILLING: Ved avbestilling før påmeldingsfristen, vil deltakaren få attendebetalt innbetalt avgift minus kr. 300.- Etter påmeldingsfristen og fram til 10 dagar før tur-/kursstart vil deltakaren få refundert 50% av den innbetalte tur-/kursavgifta.

Private kurs og skiturar på Jostedalsbreen: Påmeldingsfrist for private kurs og skiturar er tre veker før tur-/kursstart. Påmeldinga er bindande for Jostedalens Breførarlag AS når heile tur- og kursavgifta er motteken. Ved avbestilling etter påmeldingsfristen og fram til 10 dagar før tur-/kursstart vil deltakaren få refundert 50% av den innbetalte tur-/kursavgifta.

AVLYSING: BFL kan avlyse turen/kurset grunna vanskelege is-, snø- og vertilhøve, for få påmeldingar e.l. Deltakaren skal bli orientert om ev. avlysing seinast sju -7- dagar før turen/kurset startar. Heile den innbetalte summen vil då bli attendebetalt.

ENDRINGAR: BFL vil så langt råd er gjennomføre dei oppsette turane/kursa etter programmet. Om det blir naudsynt har BFL likevel rett til å endre programmet. Slike endringar har ingen konsekvensar for prisen.

DELTAKARENS ANSVAR: Deltakaren må sjølv vurdere om han/ho fyller dei krava som tur-/kursprogrammet stiller. Deltakaren pliktar vidare å ha med seg det utstyret som er nemnt i det tilsende programmet og å rette seg etter tilvisingar gjeve av føraren. Om dette ikkje skjer kan deltakaren utelukkast frå arrangementet utan at det kan krevjast kompensasjon. Å delta på turane og kursa våre skjer på eige ansvar. Dette vil seie at BFL ikkje står ansvarleg for skader/uhell som måtte oppstå på deltakarane i tilknytning til arrangementa våre. Deltakarane må underskrive ei ansvarserklæring når turen eller kurset tek til.

FORCE MAJEURE: Ved hendingar utanfor BFL sitt herredømme som t.d. brann, naturkatastrofe ol. har BFL rett til å heve avtalen utan erstatningsplikt.


Ev. forsikring er deltakaren sitt eige ansvar. Me tilrår å teikne ei reiseforsikring som dekkar kostnadene dersom du må avlyse turen/kurset på grunn av skade/sjukdom.



JOSTEDALEN BREFØRARLAG AS
www.bfl.no



Slik kjem du deg til Jostedalen :



Tlf. 576 83 111
 Føretaksnr. 984 616 678

E-post: post@bfl.no
 Bank: 3785 60 83765